

泉州府志

第四册

卷之九至
卷之十

K 295.7

2

泉州府志

卷之四
風俗志
一

泉州府志
卷之四
風俗志
一

泉州府志卷之九

水利

東南稱澤國而泉復環巨浸以爲田宜乎引之不竭
疏之有歸矣乃土沙碯而勢窪下潦則崩涇旱則龜
坼故湖塘陂隸諸築鑿化毒田爲甘壤昔人求此至
詳也後漸填闕豪家侵以爲田今存者不能十之三
矣夫萬年無窮之利非一人之力所能使之不敝也
楚芍陂作于孫叔敖而繼之者何武鄧艾魏欣趙軌
皆至今有述長民之君子寧獨無意乎至扛梁梓涉

亦王政所先故類及之作水利志附橋渡

晉江縣

湖說文大陂也
縣湖十有五

東湖

在東關外三十七至三十八都鸞歌里以萬媼顯靈於此亦名萬婆湖閩書郡境諸湖此為最大唐貞元

中席相為守嘗置酒湖上宴歐陽詹此時湖面可四十頃上有東湖亭是日客有天水姜閱河東裴叅和穎川

陳詡邑人濟陽蔡沼等並獻雅章今廢又有二公亭刺史席相別駕姜公輔遊憇于此郡人因建亭其上後圯

隆慶府志宋慶元六年春守劉穎以錢米界十五禪寺使募工開濬一萬四千七百七十五丈冬復開濬一萬

四千三百四十丈有奇每丈各深四尺積其土為四山西南隅置陡門四所以通潮因為放生池作亭其上

日恩波為集拜之所復徙寶勝廢院額創東湖放生祝聖寶勝禪院台五院譯入以益之俾專主其事且司湖

之於閉歲久浸廢長民之家家覓書為之

之啓閉歲久浸廢豪民勢家窺請爲田淳祐三年守顏
頤仲接故牘仍畀寺僧濬之凡浚五萬五千餘丈又積
其上爲三山中造二橋復豐澤陡門置水利局僧司之
明初分爲上下二塘塘中有岸爲界上塘屬三十七都
課米一十九石下塘屬三十八都課米一十四石塘內
出魚荷依界採捕輸課中有七山名七星墩卽宋慶元
所積四山淳祐所積三山萬歷府志上塘水由七星坑
來下塘水由尚書塘來二水俱從清源山諸坑而下南
有二陡門左名龍鬚涵右名郊水涵俱通溪潮遇旱則
開陡門以放溪潮入塘灌溉湖心鈔坑等洋田此湖有
灌田之利有納課之害迺勢家豪民忍於填壅是誠何
心方輿紀要郡人名其湖曰七星湖天啓五年守沈翹
楚重濬建攬古亭其上今廢唐歐陽詹東湖宴赴舉秀
才庠貢士有宴我牧席公新禮也貞元癸酉歲邑有秀
士八人公將薦之于闕下古者相覲相祖有享有宴享
以昭恭儉宴以示慈惠二典爲用鮮或克兼諸侯升俊
造於天子遣之日惟行鄉飲酒之禮則享禮也載兩元
酒莫飲莫食公念肉不使食則仁不下淡酒不使飲則

歡不上交方欲激邦俗於澆漓致民人於德行而賢者
仁未伊浹才者歡未我交其若蚩蚩何秋七月與八人
者鄉飲酒之禮既修乃加之以宴餼移已膳醴出家醢
求絲桐匏竹以將之選華軒勝景以光之後一日遂有
東湖亭之會公削桑梓之禮執賓主之儀揖讓升堂雍
容就筵樂遍作而性情不流爵無算而儀刑有肅鏘鏘
焉濟濟焉於時老幼來窺盡室盈岐非其親懿則其閭
里皆內訟而誓遷善焉嗚呼行其教不必耳提而口授
移其風不必門扇而戶吹公斯宴則風移而教行其閒
矣真盡心竭誠奉主化民之宰也煙景未暮酒德俱飽
有逡巡避位而言曰夫詩者所以美盛德之形容君侯
因片善附小能迴一邑之心成一邑之行昭吾人恭儉
於嘉亭示吾人慈惠於清宴迴人心成人行周孔之才
也昭恭儉示慈惠管晏之賢也不有歌詠其如六義何
又二公亭記勝屋曰亭儔爲之名也古者創棟宇纔禦
風雨從時適體未盡其要則夏寢冬室春臺秋戶寒暑
酷受不能自減及中古乃有樓觀臺榭異於平居所以
便春夏而陶堙鬱也樓則重構功用倍也觀亦再成動

勞厚也臺榭版築榭加欄檻暢耳目達神氣就則就矣
量其才力實猶有蠹近代襲古增妙者更作爲亭亭也
者藉之於人則與樓觀臺榭同制之於人則與樓觀臺
榭異無重構再成之糜費加版築欄檻之可處事約而
用博賢人君子多建之皆選諸勝境今年暮春月邦牧
安定席公別駕置同止員天水姜公念茲邦川逼溟渤
山連滄梧炎氣時迴熱雲多來又日臨胃次斗建辰位
和氣將阻畏景方至月令云可以升山陵可以居高明
蓋謂是月况地理卑卑而不擇爽塏以蕩大沍監乎因
問風俗相原隰郭康里所共得奇阜高不至崇卑不至
夷形勢廣袤四隅若一含之以澄湖萬頃揖之以危峯
千嶺點圓水之心當奔崖之前如鏡之紐狀龍之首二
公止旌輿以迴睇假魚舟而卜陟幕煙茵草翫擇移日
心謀意籌有建亭之算而未之言也二公既歸邑人踵
公遊於斯者如市登中隆觀媚麗前來後至異口同辭
昔漢帝不曰百姓安其田里而無愁怨之聲者其惟良
二千石乎是謂政平教成時和境清使俗泰而民以寧
者也虞書不曰股肱良哉庶事康哉是謂翼帝藩皇調

陰序陽使物阜而民以昌者也。席公今日之化育吾徒，是以寧姜公昔歲之弼諸吾徒，是以昌且以之寧。又以之昌，橙梯君子也。詩云：豈弟君子，民之父母。二公真吾父母矣。今茲阜二公攸選，尚而加愛，務休訟簡，必復斯至。上露下蕪，忍令父母憊之乎？遂偕發爲公就亭之如牆，而前陳誠于縣尹，縣尹允其請而爲之。辯方經撫等周環當上頂，誠奢訓簡以授子來。於是家有餘糧，園有餘木，或掬一坏土焉，或剪一枝材焉。一心百身，蠶還蟻仕，榛蕪不去，以自雉瓦甃，無脛而莽華。一之日斤斧之功畢，二之日圻填之傭息，再晨而成。二公莫知層梁逗以中豁，飛甍翼而四翥，東南西北方不殊致，糊白墳以呈素，瓊頰壤而垂繪，通以虹橋，綴以綺樹，華而非侈，儉而不陋。煙水交遊，巖巒疊迴，精舍奉其旁，達都城企其遐際，容影光彩，搖漪八闢，指朱軒於潭底，闌雲岑乎波裏，爍潢油演如飛，若動又釣人飄飄於左右，游禽出沒乎前後，一盼一睎，千趣萬態，稅息之者若在蓬壺，方丈之上，二公重清曠於舊賞，納衷懇乎羣庶，尋幽採異，常於斯勞賓祖，客常於斯加，以平疇開闢，通途在下，可以

親耕耨可以採編謠作一亭而衆美具瞻天造茲阜其
固與人爲亭歟不然何不遠邪邪而博敞詭秀之若此
非常之地意待非常之人故越千萬祀而至二公方覲
也邑人想之復言曰事無隱義物有正名地爲二公而
見亭從二公而建斯亭也可署曰二公亭雖芻蕘之云
中實有謂二公不忽途以爲號小子冀泰于文會觀光
上國夫之曰歷越遊吳歸之辰踰荆泛漢會稽之蘭亭
姑蘇之華亭襄陽峴首豫章湖中皆古今稱爲佳境或
棟宇猶在或基址未沒山川物象遍得而覽方之於此
遠有德懿懿哉二公智周德厚卜地於此感民若彼某
非飾說入吾邑者升吾亭者知之古之制器物造宮室
咸有銘頌以昭其義斯亭也豈無效古而爲之章句者
小子薄劣不敢議其事粗述其旨始爲之記宋王十朋
詩微涼散梅潤濃綠敷側陰送客出東郊駕言事幽尋
湖光照我眼荷香清我襟平疇入遠望歲有其自今牛
眠種已畢蛤吹苗初新古亭懷二公遙望羅千岑邈近
得良友欣然弄子心喬松喜客來風枝出清音手持荷
葉杯共對蓮花斟東湖異西湖有詩不妨吟又二公亭

補芟荷開綠蓋紅粧四面環若把西湖比西子東湖自
合比東山又次韻知宗游二公亭詩前日同登二山亭
清源入望清更清宗英載酒挾兩客破暑共作城東行
東湖未到聞人說香有荷花如鄭隱社中未爲三笑游
亭上始尋二公跡銜孟適意論交情江山照眼增雙明
聊效韓公文字飲奚用鼎沸笙篳聲黃公度宴二公亭
詩百年遺址俯郊坰十里蒼波帶古亭隔岸樓臺春去
遠滿湖烟雨酒微醒苔碑缺落庭松老野鶴去來汀草
青風物不殊天竺路扁舟髣髴舊曾經明何喬遠濟湖
記泉之東湖有古最鉅其時人民錯奠於武榮山之下
湖之延袤北距北山南距海東距山西距今郡城之行
春門漢書閩越王保泉山大澤中是其處也其後郡郭
之廬舍之田疇之墳墓之歷歲懸長今之東湖劫堂杯
水而已而廬舍之墳墓之田疇之尚未有已也北山之
石厓屢魏饒湖水潢漾以映以盪則無有回祿祝融之
虞原田則水可車可舟歲是以收離坎之會文明興焉
設涵置版啓閉通海古之法也猶人之若目軒張血脉
流暢則無札瘥底病即埠嘉生豈不美歟宋四百年泉

州濟河太守二人而已其一曰劉公穎其一曰顏公頤
仲二公濟湖封泥爲山凡七崕嶼劉公四之顏公三之
名七星矣餘未聞也去今七百有餘歲乃有沈公公始
來泉見湖之美徙賓客廬宿候館作新於湖上自冬徂
春湖則大旱塊不可破公出私錢謂子曰吾將遵海而
南放乎七星用灑其垆以滋灌溉誰與我共此子曰古
卿大夫與先生謀賓介焉至於息正息介微否惟所欲
夫子欲之則遠請從於是爲公大名役辛一月而竣舉
其闕土聯湖爲堤比於斗柄毋置岸傍生田疇心堤下
橋之堤上亭之亦擬漆洧悅我士女公不憚鄙謂可圖
事余於是爲公作亭記之昔在唐貞元邦牧席公姜公
來遊斯湖俯察遐觀歐陽四門名亭載厥盛事碑埋文
存爲重刻之以與記公之碑衆伍並峙予于是告於邦
人曰史白之渠繇來尚矣名臣漢家循吏亦惟與水
相出入白井蘇堤本以興利名勝隨焉白不云乎如法
蓄洩瀕湖千頃可無凶歲蘇不云乎失今不治葑無湖
也沈公濟湖水氣通矣火患熄矣原田厚矣文明興矣
血脉暢矣若日軒矣書載六府水火居二民於水火惡

其有餘又惡不足也聖王治天下能使菽粟如水火公
茲濟湖水火菽粟哉美哉禹功江淮河漢而已乎賦滄
溝洫何巨何纖然則有土民社之君子不在顧簿書徵
發期會開明也公為政大不勝書在湖言湖黃鳳翔東
湖重泛詩重攜杯酒泛晴湖水送西風病欲蘇倚艇芳
蓮疑舊識穿花野鳥狎相呼數聲短笛千山暮棹寒
燈萬壑孤對月已成秋興賦何如張翰憶蓴鱸莊一俊
過東湖蓮花猶開詩來往東湖半里程田家幾處不知
名客驚落葉城中下人在荷花水上行八月風光翻夏
賞一年景象報秋成登臨不覺停驂久好聽前村長笛
聲

赤湖

在二十一都永寧里赤湖村長三十八丈濶三

後湖

在後湖村周圍四十餘丈深如赤湖水無源與

丈深八尺
停蓄行潦
赤湖俱流
出古浮海

乾湖

長濶同赤湖後湖俱在永寧里

虺湖

在十五都至十九都絃歌里周圍三十餘里積水三
丈方輿紀要相接者曰龍湖皆橫山溪澗之水匯流

萬歷府志與

十四都相連

龍湖

周圍二千餘丈積水三

餘里積水三丈八閩通志旁有龍湖亭元至順二年建

閩書龍湖與虺湖相去僅咫尺龍湖大而虺湖小龍湖水

綠虺湖水赤二湖若雌雄然龍湖舊傳與海通湧沙界

其中或見龍出沒焉通志周十餘里舊係官湖明初始

征魚稅米四石二斗六升折銀兩五錢零隸河泊所

徵解有漁戶許畱翁林吳五姓承納湖中產水藻環湖

田畝資以灌溉後為勢宦估踞凡鄉民水而營生者皆

令受稅國初勢家奄為已業年收稅銀三十餘兩雍

正八年總督劉世明檄巡道朱叔轡勘定湖歸官年額

課米仍令許畱等輸納署布政使潘體豐議課米為數

無多畱之仍啓爭端請行一槩捐免量撥別項抵解俾

小民得以永遠亨利勒石湖邊民咸稱便○按隆慶萬

歷志載二湖周圍各二十餘里閩書云龍湖大而虺

湖小通志所載龍湖周只十餘里其說不同豈非歷

年已久漸次淤塞耶明陳讓導龍湖碑文華表山東行

赴海舍十里之上為馬坪山二壠東下盤舞如交龍

旁廣而中深窪然天陵周四十里水環澗渟溢如金盤
承露注膏歷千古不涸不涸天將噫氣沛澤則湖光泮
寒變動彷彿神物飛騰風雨奉之居人以爲候中有派
大可五六畝藻離離中方丈不交探之無止世傳脉通
東漢名曰龍井山海經曰應龍處南極湖臨海而水深
清無輪蹄漚池波浪之擾宜爲神物之所居上有龍宮
歲大旱賢守令皆躬禱焉焚牒水上有魚蝦迎牒則雨
立至無則雨未可知也環湖而居者三百餘家湖出可
四百畝高黍而下稻衣食繁公輸皆仰于是湖中魚
鼈肉薄而味輕惟冬至有烏北來避寒湖上狀如雌雉
黑羽白冠鴨掌肉膩而味甘登俎可當名品南隴外捍
以海上諸山滙爲湖視龍湖差低廣袤田畝皆得龍
湖三分之一水常潤而亦鮮涸昔人取清濁高下之義
以名二湖因地設也水東南合流北放于海海上風高
潮浪淘沙輕白如雪霰隨風力山勢飛舞聚散倏然成
山倏復他徙湖口勢畧藏風飛沙栖止亦如之丁未春
霖溢害稼人力不能施惟南隴之麓亦壞之西頗平下
有實土可施浚導而虺湖豪姓不肯兩遣久不斷邑侯

宋公曰吾當往視焉侯覽二湖形勢歎曰我來其遲矣
漠漠平沙非有衝齧田廬之患二水合流順下而東注
無有仇軋猛暴之聲何爲有爭乃扇揮居民於赤小坂
之西鑿道以接古溝順導湖水民荷鍤成雲歡聲動地
須臾水道通田禾皆露青穎民喜而侯亦喜是歲禾熟
今歲二麥又大熟惟侯明於地察德達深淵行禹稷之
道拯民溺而哺民飢感侯之德與湖並深勒石龍王宮
以垂不朽歲祀祝公期于無斁國朝施世祿龍湖禱
而頌德碑記桐城之南六十里有澤曰龍湖古致雨處
也旁建廟祀神遇旱潦里中人禱此輒應辛丑徙界廟
傾圯甲子丑月過里門謂是有裨民社者爰塗墍而鼎
建之丙戌春連月不雨觀察佟公及提督梁公顧而憫
之曰噫孰保障封疆忍視吾蒼生禍患不亟爲拯救用
祇愼齋版告諸神三月朔已未佟公則偕郡守時公邑
宰王公露頂步烈日中詣龍湖廟拜取湖水數斗以歸
遂與梁公設壇於社文武賓僚俯首在位相與歷誠禱
告曰惟天惟神念茲億萬生民粒食維艱其亟降之雨
俾無失時耕播用活爾黎元以享乃昇平天若不我降

鑒因日厥災我有位其敢辭厥咎是夕齋宿梵宮越數
夕福益虔吏以回署白不聽用是精神上格山川神祇
響應效靈丁卯雨戊辰又雨民以爲未足是夜復大雨
連朝遍四郊由是高者其原卑者其隰罔不田畝浸淫
溝渠浮溢農人皆沾體塗足扶犁驅犢乘時播百穀舉
欣欣相告曰時哉雨乎向慮不耕收今幸哉庶幾甌窶
滿篝汗邪滿車吾父兄子弟得含哺鼓腹以樂康衢者
伊誰之賜夫非我公之德洋恩深直與郇黍召棠並留
惠愛於勿替哉咸願刻石廟左以垂將來余旣爲之紀
仍繫以詩曰禦災捍患明神之職布德施仁有位之澤
爾耕爾耨豈無田疇時雨不降嗷嗷其憂我公莅以神
人胥喜格彼丹誠膏霖遍爾蓄乃溝渠爰蓄爰畚必有
喜夢占曰惟魚黃董白叟歡呼叩缶旣歌且舞相勞以
酒神明洋洋湖水決決我公之澤萬紀攸長康熙四十
五年五月立石○另有

沙湖

方五里
深一丈

別載

方湖

方二百八十
丈深四丈

姚湖

方四十丈深九尺
以上俱在絃歌里

石鳥湖 在四十都勸善里長四十丈闊十六丈深三尺

水月庵前湖 在十二都仁和里

錦安湖頭湖 在一都前園

潘湖 在三十五都今淺淤

段家湖 在義成門外二里許今淺淤

鑑湖 在二十七都湖中鄉

塘 正韻菜土過水曰塘縣塘四十有七

尚書塘 風街一帶東湖在街南尚書塘在街北唐貞元五年刺史趙昌始開此塘名曰常松後名為尚書民思之因更名曰尚書塘方輿紀要水由清源山諸坑而下灌田三百餘頃今多寒為田

菱塘 宋嘉定七年邑丞趙彥寓修羅田七十頃以上

僕射塘 在三十九都棠陰里方輿紀要唐元和二

變歌里

二塘俱在

變歌里